

四庫全書

經部

欽定四庫全書

經部
書儀卷
十六

詳校官監察御史臣王爾烈

給事中臣溫常綬覆勘

總校官編修臣王燕緒

校對官中書臣徐步雲

謄錄監生臣吳人麟

欽定四庫全書

書儀卷六

宋司馬光撰

喪儀二

聞喪奔喪

始聞親喪以哭答使者盡哀問故又哭盡哀

奔喪禮注親父母也

問故問親喪所由也雖非父母聞喪而哭其禮亦然裂布為四脚白布衫繩帶麻

屨古者未成服者素委貌深衣恐非遂行日行百里不

以夜行

奔喪注雖有哀感猶辟害也雖或有親屬皆行不能日行百里道中亦不可滯留也惟父

母之喪見星而行見星而舍道中哀至則哭避市邑喧

繁之處

奔喪曰哭避市朝注謂驚衆也今人奔喪及從柩行者過城邑則哭是有人則為之無人則不

為飾詐之道也

望其州境哭望其縣境哭望其城哭望其家哭

入門升自西階至殯前再拜哭盡哀乃就位方去冠及

上服被髮扱衽徒跣如始死之儀詣殯東西面坐哭盡

哀

其未小斂而至者與在家同

乃就東方袒括髮又哭盡哀丈夫婦

人之待之也皆如朝夕哭位無變也既哭奔喪者復著

布四脚布衫拜諸尊長及受諸卑幼拜皆哭盡哀明日

後日朝夕哭猶袒括髮至家四日乃成服而朝哭有弔

賓至則出見之可也若未得行須應過三日以上者則

為位不奠

奔喪曰聞喪不得奔喪乃為位注謂以君命有事者位有鄼列之處如其家朝夕哭位矣

又注無君事又無故而以已私未奔者父母之喪則不為位其哭之不離聞喪之處齊衰以下更為位而哭皆

可行乃行又曰凡為位不奠注以其精神不存乎是今仕宦他方者始聞喪比至治裝挈家而歸鮮有不過三

日者安得不為位而哭既無鄼列當置倚子一枚以代尸柩左右前後設哭位皆如在尸柩之旁而不設朝夕

飲食之奠者喪側無子孫則此中設朝夕奠如在喪側道中亦設位朝奠而行既就館至夕設位而奠鄼子短

切

被髮扱衽徒跣皆如始死之儀明日斬衰者袒括髮
齊衰以下袒免代哭皆如小斂之儀聞喪後四日成服
而朝哭皆如在家之儀道中及至家惟不去冠及上服
被髮扱衽徒跣袒括髮其餘皆如未成服之儀入門至
殯前北面再拜哭盡哀拜諸尊長又受諸卑幼拜皆哭
盡哀弔賓至即出見之若奔喪者不及殯則先之墓望
墓而哭至墓北面哭盡哀再拜在家丈夫之待之也即
位于墓左婦人墓右皆哭盡哀未成服者去布四脚及

布衫袒括髮于墓東南即本位又哭盡哀復著布四脚
衫拜尊長及受卑幼拜如上儀遂歸至家入門去布四
脚及布衫袒括髮至靈座前北面哭盡哀餘如未葬之
儀已成服者不袒括髮齊衰以下聞喪則為位而哭古
開父母妻之黨及師友知識之喪哭皆有處今寢廟異
制不能如古但聞尊長之喪則為位于正堂卑幼之喪
為位于別室而哭之今人皆擇日舉哀凡悲哀之至在初
聞其喪聞喪則當哭之何暇擇日又舉哀挂服皆於僧
舍蓋以五服年月勅不得于州縣公廳內舉哀若不在
州縣公廳何必就僧舍不于本家蓋由今人多忌諱故
也若奔喪則釋去華盛之服裝辦即行緩速惟所欲既

至齊衰望鄉而哭大功望門而哭小功以下至門而哭
入門始至殯前北向哭盡哀再拜乃易所服之服即本
位又哭盡哀乃見諸尊長及卑幼拜哭如主人儀若不
奔喪則齊衰始聞喪三日中朝夕為位會哭四日之朝
成服又為位會哭大功以下始聞喪為位會哭成服又
為位會哭自是每月朔為位會哭月數既滿次月朔為
位會哭遂除服其聞喪至各哭固無常準齊衰以上自
有喪以來親戚未嘗相見者既除服而相見不變服各

哭盡哀然後叙拜

飲食

凡初喪諸子三日不食期九月之喪三不食五月三月之喪再不食或一不食親戚鄰里必為糜粥以飲食之尊長勉之強之亦可少食足以充虛續氣而已既斂諸子食粥妻妾及期九月之喪疏食水飲不食菜果五月三月之喪既葬食肉飲酒不與人樂之父母之喪既虞卒哭疏食水飲不食菜果小祥食菜果大祥食肉飲酒

期九月之喪既葬食肉飲酒不與人樂之若有疾雖父

母之喪食肉飲酒疾止復初五十不極毀瘠六十不毀

瘠七十唯衰麻在身飲酒食肉處於內

喪服傳斬衰斷

一滿米既虞疏食水飲既練始食菜果飯素食注二十

兩曰滿為米一升二十四分升之一疏猶粗也素猶故

也謂復平生時食也間傳斬衰三日不食齊衰二日不

食大功三不食小功總麻再不食士與斂焉則一不食

父母之喪既殯食粥齊衰疏食水飲不食菜果大功不

食醯醬小功總麻不飲醴酒父母之喪既虞卒哭疏食

水飲不食菜果期而小祥食菜果又期而大祥有醯醬

中月而禫禫而飲醴酒始飲酒者先飲醴酒始食肉者

先食乾肉注不忍發御厚味喪大記祥而食肉期之喪

三不食既葬食肉飲酒九月之喪猶期之喪也食肉飲

酒不與人樂之五月三月之喪亦一不食再不食可也
既葬食肉飲酒不與人樂之叔母世母食肉飲酒今參
取其量而用之食飲多少不同食粥者取飽而已不
為限量凡居喪雖以毀瘠為貴然亦須量力而行之孝
經三日而食教民無以死傷生毀不滅性此聖人之政
也滅性謂毀極失志變其常性也曲禮曰居喪之禮毀
瘠不形視聽不衰注謂其廢喪事形謂骨見又曰有疾
則飲酒食肉疾止復初不勝喪乃比于不慈不孝五十
不致毀六十不毀七十唯衰麻在身飲酒食肉處于內
注所以養衰老人五十始衰曾子謂子思曰吾執親之
喪也水漿不入口者三日問喪曰親始死水漿不入口
三日不舉火故鄉里為之糜粥以飲食之鄉里舊俗親
鄰有喪以罍貯粥就草土中哺之謂之殮孝粥此乃古
禮之尚存者也雜記曰喪食雖惡必充饑饉而廢事非
禮也飽而忘哀亦非禮也視不明聽不聰行不正不知
哀君子病之故強忍致疾亦非聖人之所許也人或體

羸不能三日不食者量食粥可也粥不能飽者既殯食粗飯可也疏食水飲不能飽者既葬食菜茹醯醬可也喪大記曰不能食粥羹之以菜可也注謂性不能者可食飯菜羹彼應食粥也猶可食菜羹況既葬應疏食者至于餅餌亦無傷但勿食肉飲酒斯可矣古人居喪無敢公然食肉飲酒者漢昌邑王奔昭帝之喪居道上不素食霍光數其罪而廢之晉阮籍負才放誕居喪無禮何曾面質籍于文帝座曰卿敗俗之人不可長也因言于帝曰公方以孝治天下而聽阮籍以重哀飲酒食肉于公座宜擯四裔無令汙染華夏宋廬陵王義真居武帝憂使左右買魚肉珍羞于齋內別立厨帳會長史劉湛入因命臠酒炙車螯湛正色曰公當今不宜有此設義真曰旦甚寒長史事同一家望不為異酒至湛起曰既不能以禮自處又不能以禮處人隋煬帝為太子居文獻皇后喪每朝令進二溢米而私令外取肥肉脯鮓置竹筒中以蠟閉口衣襪裹而納之湖南楚王馬希聲

葬其父武穆王之日猶食雞臠其官屬潘起譏之曰昔
阮籍居喪食蒸肫何代無賢然則五代之時居喪食肉
者人猶以為異事是流俗之弊其來甚近也雜記曰有
服人召之食不往大功以下既葬適人人食之其黨也
食之非其黨弗食也喪大記曰大夫父之友食之則食
之矣不避梁肉若有酒醴則辭然則飲酒尤不可也今
之士大夫居喪食肉飲酒無異平日又相從宴集覲然
無愧人亦恬不為怪禮俗之壞習以為常悲夫乃至鄙
野之人或初喪未斂親賓則齋酒饌往勞之主人亦自
備酒饌相與飲啜醉飽連日及葬亦如之甚者初喪作
樂以娛尸及殯葬則以樂導輜車而號哭隨之亦有乘
喪即嫁娶者噫習俗之難變愚夫之難曉乃至此乎凡
居父母之喪者大祥之前皆未可食肉飲酒若有疾暫
須食飲疾止亦當復初必若素食不能下咽久而羸瘵
恐成疾者可以肉汁及脯醢或肉少許助其滋味不可
恣食珍羞盛饌及與人宴樂是則雖被裯其滋味不行

喪也唯五十以上氣血既衰必資酒肉扶養者則不必然耳其居喪聽樂及嫁娶者國有正法此不復論

喪次

中門之外擇朴陋之室以為大夫喪次斬衰寢苦枕塊

苦謂藁薦塊謂塹

不脫經帶不與人坐焉非時見乎母也不入

中門既虞寢有席枕木二十七月除服而復寢齊衰寢有席大功以下異居者既殯可以歸其家猶居宿于外三月而後復寢婦人次于中門之內別室或居殯側雖斬衰不寢苦但徹去帷帳衾褥之類華麗者可也男子

無故不入中門婦人不得輒至男子喪次

喪服傳斬衰居倚廬寢苦

枕塊寢不脫經帶既虞翦屏柱櫬寢有席既練舍外寢注櫬謂之梁柱櫬所謂梁闇也舍外寢于中門之外壘

壘為之不塗槨所謂壘室也喪大記曰父母之喪居倚廬不塗寢苦枕塊非喪事不言君為廬宮之大夫士禭

之注宮謂闔障之也禭謂不障既葬柱櫬塗廬不於顯者君大夫士皆宮之注不于顯者不塗見面既練居壘

室不與人居既祥黜壘吉祭而復寢齊衰期大功九月者皆三月不入寢婦人不居廬不寢苦喪父母既葬父

不次于子兄不次于弟注謂不就其殯宮為次而居雜記曰廬壘室之中不與人坐焉非時見乎母也不入門

又曰童子不廬問喪曰成壙而歸不敢入處室哀親之在外也寢苦枕塊哀親之在土也閼傳曰父母之喪居

倚廬寢苦枕塊不脫經帶齊衰之喪居壘室卒翦不納大功之喪寢有席小功總麻牀可也父母之喪既虞卒

哭柱楣翦屏半翦不納期而小祥居壘室寢有席又期而大祥居復寢中月而禫禫而牀注半今之蒲革也開元禮五品以上喪為廬于殯堂東廊下諸子各一廬齊衰於廬南為壘室俱北戶大功于壘室之南張帷小功總麻于大功之南設床婦人次于西房若殯後施床殯堂无房者于別室楊垂喪服圖設倚廬于東廊下無廊于牆下先以一木橫於牆下去牆五尺卧于地為楣即立五椽於上斜倚東墉以草苫蓋之其南北面亦以草屏之向北開門一孝一廬門廉以縗布廬南為壘室以壘壘三面至上至屋如于牆下則亦如偏屋以瓦覆之西向開門其壘室及大功以下幕次不必每人為之共處可也如此則非富家大第不能備此禮故但擇朴陋之室不丹雘黝壘者居之斬衰居一室齊衰居一室可也若大寒大暑雨濕蚊蚋其羸疾之人有不能堪者聽施簟席白纁布襪白幬帳可也晉陳壽遭父喪有疾使婢丸藥客往見之鄉黨以為貶議坐是沈滯坎軻終身嫌

疑之際不可不慎故男子無事不入中門
婦人不得輒至男子喪次也并戶嫁反

五服制度

斬衰用極麤生布為之不緝衣縫向外裳縫向內裳前

三幅後四幅每幅作輒

音輒

皆屈兩邊相著空其中負版方

一尺八寸

此尺寸皆用周尺

在背上綴于領下垂放之辟領方

四寸置于負版兩旁各攬負版一寸亦綴於領下衰長

六寸廣四寸綴於前衿當心衣長過胛足以掩裳上際

衽用布三尺五寸留上一尺正方不破旁入六寸乃向

下邪裁之一尺五寸去下畔亦六寸橫斷之留下一尺
正方以兩正方左右相沓綴于衣兩旁垂之向下狀如
燕尾掩裳旁際冠比衰布稍細廣三寸跨項前後以紙
糊為材上裹以布為三輒皆向右縱縫之兩頭皆在武
下向外反屈之縫於武用麻繩一條從額上約之至頂
後交過前各至耳於武上綴之各垂于頤下結之有子
麻紐為首經其大一扼左本在下五分去一以為胃經
兩股相交兩頭結之各存麻本散垂三尺其交結處兩

旁各綴細白絹帶繫之使不脫又以細繩帶繫于其上
為父截竹為杖高齊其心本在下著簾麻屨婦人亦用
極簾生布為大袖及長裙布頭帶惡竹髮布蓋頭簾麻
屨衆妾以背子代大袖子為母杖上圓下方亦本在下
布帶婦為姑亦緝其衣裳無子麻為經餘皆如父與舅
餘親齊衰以布稍簾者為寬袖襴衫稍細者為布四脚
其制如幅巾前綴二大脚後綴二小脚以覆髻自額前
向頂後以大脚繫之大暑則屈後小脚于髻前繫之謂

之幘頭布帶麻屨婦人以布稍細者為背子及裙露髻
生白絹為頭簪蓋頭著白屨大功小功總麻皆用生白
絹為襴衫繫黑鞵角帶大功以生白絹為四脚婦人以
生白絹為背子及裙大功露髻以生白絹為頭簪蓋頭
小功總麻勿著華采之服而已凡緝者皆向外撚之凡
齊衰以下皆當自制其服而往會喪今人多忌諱皆仰
喪家為之喪家若貧親戚異居者自制而服之禮也三
年之喪既葬家居非饋祭及見賓客服白布襴衫白布

四脚白布帶麻屨亦可也小祥則除首經負版及衰大祥後服皂布衫垂脚黻紗幘頭脂皮熅鐵或白布裹角帶若重喪未滿而遭輕喪則制輕喪之服而哭之月朔輒為位服而哭之既畢返重服其餘之也亦服輕服若除重喪而輕未除則服輕服以終其餘日

檀弓曰與其不當物也寧

無衰注不當物謂精麤廣狹不應法制古者五服皆用布以升數為別每幅二尺二寸其經以八十縷為一升同服之中升數又有異者焉故問傳曰斬衰三升齊衰四升五升六升大功七升八升九升小功十升十一升十二升總麻十五升去其半有事其縷無事其布曰總蓋當時有織此布以供喪用者布之不論升數久矣裴

莒劉岳書儀五服皆用布衣裳上下異制度畧相同但以精粗及無負版衰為異耳然則唐五代之際士大夫家喪服猶如古禮也近世俗多忌諱自非子為父母婦為舅姑妻為夫妾為君之外莫肯服布有服之者必為尊長所不容眾人所譏誚此必不可強此無如之何者也今且于父母舅姑夫君之服粗存古制度庶幾有好禮者猶能行之喪服傳曰斬衰裳苴經杖絞帶冠繩纓菅屨注麻在首在胛皆曰經首經象緇布冠之闕項胛經象大帶又有絞帶象革帶齊衰以下用布傳曰斬者何不緝也苴經者麻之有黃者也苴經大搗左本在下去五分一以為帶齊衰之經斬衰之帶也去五分一以為帶大功以下皆以是為差苴竹也削桐也杖各齊其心皆下本杖者何爵也無爵而杖者何擔主也非主而杖者何輔病也童子何以不杖不能病也婦人何以不杖亦不能病也絞帶者繩帶也冠繩纓條屬右縫冠六升外畢鍛而勿灰衰三升管屨者菅菲也外納注中人

之柩圍九寸檐猶假也無爵者假之以杖尊其為主也屬猶著也通屈一條繩為武垂下為纓著之冠也小功以下左縫外畢者冠前後屈而出縫于武也又曰妻為夫妾為君女子子在室為父布總箭筓髻衰三年注此喪服之異于男子者總束髮謂之總者既束其本又束其末箭筓篠竹也髻露紒也但言衰不言裳婦人不殊裳衰如男子衰下如深衣衰無帶下又無衽又曰凡衰外削幅裳內削幅幅三衤注削猶殺也太古冠布衣布先知為上外殺其幅以便體也後知為下內殺其幅稍有飾後世聖人易之以此為喪服衤者謂辟兩側空中央也凡裳前三幅又曰若齊裳內衰外注齊緝也凡五服之衰一斬四緝緝裳者內展之緝衰者外展之又曰負廣出于適寸注負在背上者也適辟領也負出於辟領也負出於辟領外旁一寸又曰適博四寸出於衰注辟領廣四寸則與闊中八寸也兩之為尺六寸也出於衰者旁出衰外又曰衰長六寸博四寸注廣衰當心也

前有衰後有負版左右有辟領孝子衰戚無所不在又
曰衣帶下尺注要也廣尺足以掩裳上際也又曰衽二
尺有五寸注衽所以掩裳際也上正一尺燕尾二尺五
寸凡用布三尺五寸世俗五服皆不緝非也禮惟斬衰
不緝餘衰皆緝必外向所以別其吉服也下俚之家或
不能備此衰裳之制亦可隨俗且作粗布寬袖襴衫然
冠經帶不可闕也古者婦人衣服相連今不相連故但
隨俗作布大袖及裙而已齊衰之服其尊則高祖曾祖
父母伯叔父母親則衆子兄弟之尊則高祖曾祖
緇是與總麻無異也宋次道今之練習禮俗者也余
嘗問以齊衰所宜服次道曰當服布幘頭布襴衫布帶
今從之大功以下隨俗且用絹為之但以四脚包頭怕
額別其輕重而已此子思所謂有其禮有其財無其時
君子弗行者也以俟後賢庶謂釐正之耳古者既葬練
祥禭皆有受服變而從輕今世俗無受服自成服至大
祥其衰無變故于既葬別為家居之服是亦受服之意

也父母之喪不當出若為喪事及有故不得已而出則

乘僕馬布裹鞍轡

以代古惡車婦人以布幕車檐

五服年月略

其詳見五服年月次

斬衰三年

子為父

女在室同

嫡孫為祖承重

謂當為祖後者

父為嫡長子

亦謂當為

後婦為舅

其夫為祖後者妻亦從服凡婦服夫黨當喪而出則除之

為人後者為所

後父

為父所後祖承重者亦如之

妻為夫妾為君

齊衰三年

子為母 嫡孫承重祖卒為祖母 母為嫡長子 婦

為姑 其夫為祖後者妻亦從服祖姑

齊衰杖期

子為嫁母出母報 報為母服其子亦同若為父後則無服 夫為妻

齊衰不杖期

為祖父母 女出嫁者亦同 為伯叔父母 為兄弟 為衆子

為兄弟之子 為嫡孫 亦謂當為後者 為姑姊妹女在室 雖適

人無夫與子者亦同 為人後者為其父母報 女適人者為父母

喪服小記未練而出則三年未
練而反則期既練而反則遂之
妾為嫡妻 為夫兄弟

之子 舅姑為嫡婦

齊衰五月

為曾祖父母

女出嫁者亦同

齊衰三月

為高祖父母

女出嫁者亦同

大功九月

此謂成人者也凡子年十九至十六為長殤十五至十二為中殤十一至八歲為下殤應服期

者長殤服大功九月中殤服七月下殤服小功
五月應服大功以下各以次降等不滿八歲為
無服之殤哭之易月生未三月則不
哭也男子已娶女子許嫁皆不為殤

為從兄弟 為庶孫 為女姑姊妹兄弟之女適人者

女適人者 為伯叔父母兄弟姊妹 為人後者為其

兄弟姑姊妹

凡男為人後女適人者為其私親大功以下各降一等准此

為衆子

婦 為兄弟子之婦 為夫之祖父母伯叔父母兄弟

子之婦

小功五月

為從祖祖父母

祖之兄弟及妻

為兄弟之孫

為從祖父母

之父

從父兄弟及妻

為從兄弟之子

為從父兄弟之子

為從祖

兄弟姑姊妹

為從祖祖姑

祖之姊妹

為外祖父母

服問曰母出則

為繼母之黨服不為其母之黨服母死則為其母之黨服不為繼母之黨服

為舅

為從母

母之姊妹

為甥

為夫兄弟之孫

為夫從父兄弟之子

為夫之姑姊妹

在室適人等

女為兄弟妹之妻

為姊如歸

報 為同異父兄弟姊妹

為兄弟妻

為夫之兄弟

總麻三月

為三從兄弟 為曾祖之兄弟姊妹服 為祖之從父

兄弟姊妹服 為父之再從兄弟姊妹服 為外孫

為曾孫元孫 為從母之子 為姑之子 為舅之子

為曾祖兄弟之妻服 為祖從父兄弟之妻服 為

父再從兄弟之妻服 為庶孫之婦 為庶母

父之妻有子者

為乳母 為壻 為妻之父母 為夫之曾祖 高祖

父母 為夫之從祖祖兄弟及妻服 為夫之從兄弟

之妻 為從父兄弟子之婦 為夫之外祖父母服

為夫之從父兄弟子之婦 為父之從父姊妹在室適人等

為夫之舅及從母 為姊妹子之婦 為甥之婦

成服

大斂之明日

曲禮曰生與來日死與往日鄭曰與數也生數來日謂成服杖以死來日數也死數

往日謂殯斂以死日數也今人五服之人各服其服入

大斂即成服是無袒括髮也

夕奠

自成服之後朝夕設奠朝奠日出夕奠逮日陰陽交接庶幾通之

如平日朝舖之食加酒果

事死如生

月朔則設饌

古謂之殷奠然

亦不可盛于時祭之饋遇麥禾黍稻熟薦新亦如朔奠

皆褰帷幔

雜記曰朝夕哭不惟注緣孝子

心欲見殯肆也既出則施其屋鬼神尚幽闇也肆以二切屋克盍切

用素器

以主人有哀素之心也

執事者具新饌于阼階東

無阼階則但在靈座東南可也

主人以下各

服其服入就位尊長坐哭卑幼立哭祝帥執事者盥手

徹舊饌置座西南乃設新饌于靈座前止哭祝洗盞斟

酒奠之復位卑幼皆再拜哭盡哀歸次夕奠將至然後

徹朝奠朝奠之將至然後徹夕奠各用罩子

若天暑恐臭敗則設

饌如食頃去之止
留茶酒果仍罩之

書儀卷六

欽定四庫全書

書儀卷七

宋 司馬光 撰

喪儀三

卜宅兆葬日

開元禮五品以上卜六品以下筮今若不曉卜筮止用抔琬可也若葬于祖塋則更不卜筮

既殯以謀葬事

禮弓曰既殯旬而布材與明既擇地得

數處

孝經曰卜其宅兆而安厝之謂卜地決其吉凶爾非若今陰陽家相其山崗風水也國子高曰葬者

藏也又曰死則擇不食之地而葬我焉明無地不可葬也古者天子七月諸侯五月大夫三月士踰月而葬蓋以會葬者遠近有差不得不然也然禮文多云三月而葬蓋舉其中制而言之今五服年月敕王公已下皆三月而葬按春秋已丑葬敬嬴雨不克葬庚寅日中而克葬丁巳葬定公雨不克葬壬午日下吳乃葬何嘗擇年月日時也葬於北方北首何嘗擇地也為其禍福與今不殊世俗信葬師之說既擇年月日時又擇山水形勢以為子孫貧富貴賤賢愚夭壽盡繫於此又葬師所有之書人人異同此以為吉彼以為凶爭論紛紜無時可決其尸柩或寄僧寺或委遠方至有終身不葬或累世不葬或子孫哀替忘失處所遂棄捐不葬者凡人所貴身後有子孫者正為收藏形骸耳其子孫所為乃如此曷若初無子孫死于道路猶有仁者見而殮之邪且彼陰陽家謂人所生年月日時足以定終身祿命信如此所言則人之祿命固已定於初生矣豈因殯葬而可改

耶是二說者自相矛盾而世俗兩信之其愚惑可謂甚矣使殯葬實能致人禍福為人子者豈忍使其親臭腐暴露不殯葬而自求其利耶悖禮傷義無過於此然孝子之心慮患深遠恐淺則為人所汨深則濕潤速朽故必擇土厚水深之地而葬之所擇必數處者以備卜之不吉故也或曰世人久未葬者非盡以陰陽拘忌之故亦以家貧未能歸葬故也子應之曰子路曰傷哉貧也生無以為養死無以為禮也孔子曰啜菽飲水盡其歡斯之謂孝斂手足形還葬而無槨稱其財斯之謂禮注還猶疾也謂不及其日月久子游問喪具夫子曰稱家之有亡子游曰有亡惡乎齊夫子曰有亡過禮苟亡矣斂手足形還葬懸棺而窆人豈有非之者哉昔廉范千里負喪郭原平自賣營墓豈待豐富然後葬其親哉近世河中進士周孟家貧改葬其親騎驢出城一僕荷插隨之取其親之骨掘深坎埋之而歸此雖不及于禮比於不能葬者猶賢矣在禮未葬不變服食粥居倚廬寢告

枕塊蓋閔親之未有所歸故寢食不安奈何捨之出游
食稻衣錦不知其何以為心哉世人又有遊宦沒於遠
方子孫火焚其柩收燼歸葬者夫孝子愛親之肌體故
斂而葬之殘毀他人之尸在律猶嚴況子孫乃悖謬如
此其始蓋出於羌裔之俗浸染世人之既久習以為
常見者恬然曾莫之恠豈不哀哉延陵季子適齊其子
死葬於贏博之間曰骨肉歸于土命也魂氣則無不之
也孔子以為合禮必也不能歸葬葬于所在可也不猶
愈於焚之哉音骨惡音切 執事者掘兆四隅外其壤塋兆
為齊子細切窆彼斂切

域掘中南其壤

為葬將北首故也

莅卜或命筮者

擇遠親或賓客為之 及

祝執事者皆吉冠素服

雜記大夫卜宅與葬日有司麻衣布衰布帶因喪屨緇布

冠不緇占者皮弁如筮則史練冠長衣以筮占者朝服
注曰麻衣至緇布冠非純凶也皮弁則純吉之尤者也

長衣練冠純山服也朝服純吉服也今從簡易依開元禮皆非純吉亦非純凶素服者但徹去華采珠玉之飾

而執事者布卜筮席於北南北向主人既朝哭適兆所

立於席南當中壤北向免首經左擁之莅卜筮者立於

主人之右北向卜筮者東向執龜筮進南面受命於主

人莅卜者從旁命之曰孤子姓名為父某官為母則稱

某度茲幽宅無有後艱度謀也宅居也言謀此以為幽

封度茲幽宅無有後艱冥之居得無將有艱難謂有非

常若崩卜筮者許諾右旋就席北面坐述命述命既受

命而申言之曰述不述指中封而卜筮中封中占既得

吉則執龜筮東向進告于佐卜筮者及主人曰從主人
經哭若不從更卜筮他所如初儀兆既得吉執事者于
其中壤及四隅各立一標當南門立兩標祝帥執事者

入設后土氏神位於中壤之左南向

古無此開元禮有之

置倚卓

盥盆帨架盞注脯醢

既不能如此只常食兩三味

皆如常日祭神之

儀

紙錢不用

告者與執事者皆入

不卜者

序立於神位東南

重行西向北上立定俱再拜告者盥手洗盞斟酒進跪

酹于神座前俯伏興少退北向立搢笏執詞進于神座

之右東面跪念之曰維年月朔日子某官姓名敢昭告

于后土氏之神今為某官姓名

主人也

營建宅兆神其保

佑俾無後艱謹以清酌醕醢祇薦于神尚饗訖興復位

告者再拜出祝及執事者皆西向再拜徹饌出主人歸

殯前北面哭卜筮葬曰於三月初

若墓遠則卜筮於未三月之前命曰

某月主人先與賓議定可葬曰三日

謂可以辦具及于事便者必用三日

備不吉也執事者布卜筮席於殯門外闌西北向主人既朝

哭與眾主人

謂亡者諸子

出立於殯門外之東壁下西向南

上闔東扉主婦立於其內主人進立於門南乃北向免首經左擁之莅卜筮者立主人東北乃西向卜筮者執龜筮東向進受命於莅卜筮者命之曰孤子某將以今

月某日

先卜遠日不吉再卜近日

卜葬其父某官考降無有近悔

考

也降下也言卜此日葬魂神上下無得近于咎悔者乎

卜筮者許諾右旋就席西

向坐述卜筮不吉則又興受命述命再卜占既得吉興告于莅卜者及主人曰某日從主人經與衆主人皆哭又使人告于主婦主婦亦哭主人與衆主人入至殯前

北向哭遂使人告於親戚僚友應會葬者

若孫為祖後則莅卜筮者

命之曰孤孫某卜葬某祖某官夫曰乃夫某卜葬其妻某氏兄弟及他親為喪主者各隨其所稱曰某親某卜

葬某某親某官

穿壙

為窆具謂下棺

葬有二法有穿地直下為壙置柩以土實之者有先鑿堦道旁穿土室攬柩於其中者臨時從宜凡穿地宜狹

而深壙中宜穿

古之葬者有折有抗木有抗席折由屐也方鑿連木為之如床而縮者三橫者

五無簀窆事畢加之壙上以承抗席抗木橫三縮二抗禦也所以禦止土者其橫與縮各足橫掩席抗所以禦

塵然則古者皆直下為壙而上實以土也今疏土之鄉亦直下為壙或以石或以磚為藏僅令容柩以石蓋之每布土盈尺實躡之稍增至五尺以上然後用杵築之恐土淺震動石藏故也自是布土每尺築之至于地平乃築墳於其上喪葬令葬不得以石為棺槨及石室謂其侈靡如桓司馬者此但以石禦土耳非違令也其堅土之鄉先鑿堦道深若干尺然後旁穿窟室以為壙或以塼範之或但為土室以塼數重塞其門然後築土實其堦道然恐歲久終不免崩壞不若直下穿壙之為牢實也凡旁穿之壙不宜寬大寬大則崩塌尤速當僅令容柩葬時先以竹竿布地稍在壙中置柩于其上而攬之既而抽去其竹其明器下帳五穀牲酒等物皆于堦道旁別穿窟室為便房以貯之其直下穿壙者既實土將半乃于其旁穿便房以貯之穿地狹則役者易上下但且容下柩則可矣深則盜難近鄉里土厚水深太尉嘗有遺命令深葬自是嘗以三大三尺為准昔晉文公

有大功於周襄請隧而王弗許曰王章也然則古者乃天子得為隧道自餘皆懸棺而窆今民間往往為隧道非禮也宜懸棺以窆展挽土宜用兩轆轤重物上下宜舉綺切間藏食物之名

用革車

其制用大木四根交股縛而埋之謂之夜又木架大木于其上為梁梁須圓直之木夜又木

為月口梁之加于月口者圍徑須同一麓一細則諸絙之轉或長或短而偏矣于梁兩端各設十二輻搭絙於梁一邊其垂絙之地當中央下則使兩人按輻一一縱之上則兩人攀輻而挽之勻而無失勝于鷹架木引索有急緩欹或用鷹架木亦用夜又木及大木堅而圓滑側之患或用鷹架木者為梁然一定無轉以巨絙繫重物繞梁一匝遣數人執其末上則挽下則縱之物尤重則以兩絙交于梁上各遣數人執其末立於堦之兩旁或挽人上下宜用鞦韆板如常日鞦韆板絙過人頭或縱之

木挽之縱或用兀子以二絙積之高于人頭繫其兩端

合兩積繫二巨絙於其上先以三厚板橫於堦口置兀

子於其上交二絙於梁上每絙各使數人執其末立於

堦之東西微引兀子令去板旁徹板乃緩緩縱之下板

令下若出則引之令下上復以板承之積區貴切下板

宜用四綁兀子深加倍之每尺以墨畫之及窆索其長比

繫樞左鑲樓底結于右及窆牀以大木為之其制如人

鑲二絙繫右鑲亦如之及窆牀家繡牀而仰之廣長出

口橫施三板置樞其上左右各三絙繞枕一匝每綁數

人執之如下兀子之法擊鼓為節鼓一聲執或用鷹架

綁者左右手互縱一尺至底解去絙枕音先或用鷹架

木下之亦可也

碑誌

誌石刻文云某官姓名

婦人云某姓名妻某封某氏

某州某縣人考

諱某某官某氏某封

無官封者但云姓或某氏

某年月日生叙歷

官遷次

婦人云年若干適某氏叙因夫子致封邑無官封者皆不叙

某年月日終某

年月日葬

丈夫云娶某氏某人之女封某邑

子男某某官女適某官某

人若直下穿壙則寘之便房若旁穿為壙則寘之壙門

墓前更立小碑可高二三尺許大書曰某姓名某更不

書官

古人有大勲德勒銘鍾鼎藏之宗廟具葬則有豐碑以下棺耳秦漢以來始命文士褒贊功德刻之

于石亦謂之碑降自南朝復有銘誌埋之墓中使其人果大賢耶則名聞光昭衆所稱頌乃流今古不可掩蔽豈待碑誌始為人知若其不賢也乃以巧言麗辭強加采飾功侔呂望德比仲尼徒取譏笑其誰肯信碑猶立於墓道人得見之誌乃藏于壙中自非開發莫之睹也隋文帝子秦王俊薨府僚請立碑帝曰欲名一卷史書足矣何用碑為徒與人作鎮石耳此實語也今既不能免俗其誌文但可直叙鄉里世家官簿始終而已季札墓前有後世稱孔子所篆云嗚呼有吳延陵季子之墓豈在多言然後人知其賢耶今但刻姓名于墓前他日人自知其賢愚耳喪葬令一品墳高一丈八尺每品減二尺六品以下不得過八尺又五品以上立碑螭首龜趺趺上高不得過九尺七品以上立碣圭首方趺上高四尺其石獸三品以上六五品以上四又曰諸喪葬不能備禮者貴得同賤賤雖富不得同貴世人好為高墓大碑前列石羊石虎自誇崇貴殊不知葬者當為無窮

之規後世見此等物安知其不多藏金王耶是皆無
益于亡者若能俱不用尤善也漢光武作壽陵裁令陂
池流水而已南唐司徒李建勲且死戒家人勿封土立碑
聽人耕種其上曰他日免為開發之標及金陵破王公
貴人之家無不被發者惟建勲家莫
知其處此皆明哲能深思遠慮者也

明器 下帳 苞筭 祠版

明器刻木為車馬僕從侍女各執奉養之物象平生而

小多少之數依官品

既夕禮有明器用器燕器孔子曰

之死而致生之不知而不可為也注之往也死之生之謂無知與有知也又曰是故竹不成用瓦不成沫木不

成斲注成善也沫醢也又曰其曰明器神明之也又曰塗車芻靈自古有之喪葬令五品六品明器許用三十

事非升朝官者許用十五事并用器梳下帳為床帳茵
標瓶盂之類通數之沫音末饋音悔
類皆象平生苞既夕禮苞二注所以裹奠羊豕之肉檀
所用而小也苞弓曰國君七箇遣車七乘雜記曰遣車
視牢具或問曾子曰君子既食則裹其餘乎曾子曰大
享既饗卷三牲之俎歸于賓館父母而賓客之所以為
哀也晉賀循用腐一簋以代所苞牲體今遣奠既無牲
體人生肉經宿則臭敗不若用循禮得事之宜然遣奠
之時亦當設脯既奠苞以蒲篋或箱筥既夕禮筥三黍
或竹掩耳或席簞之類包之皆可也筥稷麥今但以竹
器或小甕貯五醢醢鬯既夕禮甕三醢醢屑注薑桂之
穀各五升可也醢醢鬯屑也今但以小甕二貯醢醢之
以桑木為祠版鄭康成以為卿大夫士無神主大夫東
夫聞君之喪攝主而往重主道也埋重而立主大夫士
有重亦宜有主蔡謨以為今世有祠版乃禮之廟主也

主亦有題今版書名號亦是題主之意安昌公荀氏祠制神版皆正長尺一寸博四寸五分厚五寸八分大書某祖考某封之神座夫人某氏之神座書訖蠟油炙令入理刮拭之今士大夫家亦有用祠版者而長及博厚不能盡如荀氏之制題云某官府君之神座某封邑夫人郡縣君某氏之神座續加封贈則先告貼以黃羅而改題無官則題處士府君之神座版下有跌韜之以囊籍之以褥府君夫人只為一匣今從之禮虞主用桑練主用栗祠版主道也故于虞亦用桑將小祥則更以栗木為之

啓殯

啓殯之日

墓近則於墓前一曰啓殯墓遠則於發引前一日啓殯

夙興執事者縱

置席於影堂前階上及聽事中央仍帷其聽事

席所以藉柩也

帷之為有婦人在焉既夕禮遷于祖用軸注蓋象平生將出必辭尊者檀弓曰喪之朝也順死者之孝心也其哀離其室也故至于祖考之廟而後行殷朝而殯于祖周朝而遂葬開元禮無朝廟禮今從周制又周禮既載而朝于庭今人既載遂行無祖于庭難施哭位故但祖于聽事喪事有進而無退無聽事者但向外之屋可置

可也

者皆備功布長三尺

以新布稍細者為之祝御

五服

之親皆來會各服其服入就位哭

喪服小記男子冠而婦人笄男子免而婦

人髻又曰總小功虞卒哭則免注棺柩已藏嫌恩輕可以不免也言則免者則既殯先啓之間雖有事不免又曰既葬而不報虞則雖主人皆冠及虞則皆免注有故不得疾虞雖主人皆冠不可久無飾也皆免自主人至總麻開元禮主人及諸子皆去冠經以邪巾帕頭按自啓殯至于卒哭日數甚多今已成服若使五服之親皆

不冠而袒免恐其驚俗
故但各服其服而已
執事者遷靈座及施於旁側將

啓祝凶服無服者則去
華盛之服
執功布止哭者北向立於柩前

抗聲三告曰謹以吉辰啓殯既告內外皆哭盡哀止既

禮喪祝袒免執功布入升自西階盡階不升堂聲三啓
三命哭泣功布灰治之布也執之以執神為有拂枋也

聲三三有聲存神也啓三三言啓以告神也舊說以為
聲噫興也開元禮祝三聲噫嘻今恐驚俗但用其辭拂

芳味切枋婦人退避於他所為役者主人及衆主人輯
芳大切

杖立視啓殯喪大記大夫士哭殯則杖哭柩則輯杖注
哭殯謂既塗也哭柩謂啓殯後也輯斂也

謂舉之不以柱地也天子祝取銘旌置靈座之側役者
諸侯之子杖不入公門

入徹殯塗及塹掃地潔之祝以功布拂去棺上塵覆以

袂衾

既夕禮祝取銘置于重今以魂帛代重故置于靈座側

役者出婦人出就位

立哭執事者復設柩及靈座於故處乃徹宿奠置新奠

既夕禮遷於祖正柩於兩楹間席升設于柩西奠設如初注奠設如初東面也不統于柩神不西面也不設柩東東非神位也開元禮不朝祖徹殯設席于柩東奠之謂之啓奠如常日朝夕奠之儀

朝祖

役者入婦人退避主人立視如啓殯役者舉柩詣影堂前祝以箱奉魂帛在前執事者奉奠及倚卓次之銘旌

次之柩次之

未明則柩前後皆用二燭照之

主人以下皆從哭男子由

右婦人由左重服在前輕服在後各以昭穆長幼為叙

侍者在末無服之親男居男之右女居女之左不與主

人主婦並行婦人皆蓋頭

為有役者在役者出則出蓋頭也

至影堂

前置柩於席北首役者出祝帥執事者設靈座及奠于

柩西東向

若影堂前迫隘則置靈座及奠于旁近從地之宜

主人以下就位

柩之左右前後如在殯宮

立哭盡哀止役者入婦人退避祝奉魂帛

導柩右旋主人以下哭從如前詣聽事置席上南首設

靈座及奠於柩前南向餘如朝祖主人以下就位坐于柩側藉以薦席如在殯宮乃代哭如未殯之前

親賓奠

世俗謂之祭 賻贈

賓客欲致奠于其家者以飯牀設茶果酒饌于其庭暑則覆之以幄將命者入白主人主人經杖降自西階待於阼階下西向賓入家人皆哭賓叙立于饌南北向東上置卓子于賓北炷香澆茶實酒於注洗盞斟酒於其上上賓進燒香退復位與衆賓皆再拜上賓進跪酌茶

酒俯伏興賓祝執祝辭出於上賓之右西向讀之曰維

年月日某官某謹以清酌庶羞致祭於某官之靈

中間辭臨

時請文士為之

尚饗祝興

凡吉祭祝出於左東向凶祭出於右西向

賓再拜

應哭進者哭

詣主人前東向北上上賓止主人哭主人稽顙再拜賓

答拜主人哭而入護喪延賓坐于他所茶湯送出如常

儀祝納酒饌及祝辭於喪家若奠于輦所經過者設酒

饌于道左右或有幄或無幄

附令勅諸喪葬之家只許祭于塋所不得于街衢致

祭然親賓祭于喪家大門之內及郭門之外亦非街衢也望柩將至賓燒香酌茶酒

祝拜哭柩至少駐主人詣奠所拜賓哭從柩而行餘如

上儀奠于墓所皆如在其家之儀

既夕禮儻者出請若奠入告出以賓入將

命如初士受羊如受馬然則古者但致奠具而已漢氏以來必設酒食沃酹徐稱每為諸公所辟雖不就有死喪負笈赴弔常于家豫炙雞一隻以水漬絮漬酒中暴乾以裹雞徑到所赴冢隧外以水漬絮使有酒氣汁米飯白茅為籍以雞置前酹酒畢留謁則去不見喪主然則奠貴哀誠酒食不必豐腆也自唐室中葉藩鎮強盛不遵法度競其侈靡始縛祭帷至高數丈廣數十步作鳥獸花木輿馬僕從侍女衣以繒綺輜車過則盡焚之祭食至百餘品染以紅綠實不可食流及民間遞相誇尚有費錢數百緡者曷若留以遺喪家為賻贈哉

其親賓賻贈皆如始死之儀而不祔

士喪禮始死有弔有祔將葬有賻有

奠有賻贈知死者贈知生者賻賻贈皆用財貨但將命之
辭異耳春秋傳譏贈死不及尸尸謂未葬時也然則自始
死至葬賻贈之
禮皆可行也

書儀卷七

欽定四庫全書

書儀卷八

宋 司馬光 撰

陳器

輦夫陳器於門外方相在前

喪葬令四品以上用輦頭方相四

目輦頭兩目戴以車輦音欺

次誌石次棹

二物已在墓所則不陳

次明器次下

帳次上服

有官則公服靴笏無官則襴衫皆有幘頭腰帶

次苞

但陳所用之苞其脯俟遣奠畢

始苞次筭次醢醢次酒並以小牀以瓶以上次銘旌去人

執之入壙則去次靈舁葬日置魂帛于上炷香其前藏

于前藏魂帛于箱篋亦以小舁牀舉次大輿載柩者也

之開元禮靈輿在方相前今置柩前次大輿宜用輕堅

木為格僅能容柩上施轆甲蓋輦竿則宜強壯多用新

絕纏束巨絙數道撮角樓底縛于竿上則可保無虞喪

大記飾棺君龍帷三池振容纈荒火三列纈纈三列素

錦褚加帷荒纈戴六纈披六大夫士以是為差注飾棺

者以華道路及壙中不欲眾惡其親也荒蒙也在旁曰

帷在上曰荒纈荒緣邊為纈文火散為列于其中爾褚

以視覆棺乃加帷荒于其上紐所以結連帷荒者也池

竹為之如小車苓衣以青布柳象宮室縣池于荒之介

端若承露然云君大夫以銅魚縣于池下齊象車蓋疑

縫合雜采為之形如小分然綴貝絡其上及旁戴之言

值也所以連繫棺束與之柳材使相值因而結前後披也
正義振動也以絞縵為之長丈餘如幡畫幡上為雉縣
于池下為容飾車行則幡動故曰振容齊者謂繫甲上
當中央形圓如車蓋高三尺徑二尺五貝者連貝為五
行交絡齊上魚在振容間此等制度今既難備略設帷
荒花頭等不必繁華高大若樞遠行則多以柿單覆藉
輦之上下四旁以禦雨濕統以畫布帷龍虎輦更無它
飾今世俗信輦夫之言多以大木為輦務高盛大其華
者殊不知輦重大門多觸礙難進退遇峻隘有傾覆彼
輦夫但欲用人多取厚直豈顧喪家之利害耶

大輦旁有翼貴賤有數開元禮
一品引

四披六鐸左右各八翮翼二翮翼二畫翼二二品三品
引二披四鐸左右各六翮翼二畫翼二四品五品引二
披二鐸左右各四翮翼二畫翼二六品以下引二披二
鐸畫翼各二凡引者挽轎車索也披者繫于旁執之以

饌于靈前祝奠訖退北面跪告曰永遷之禮靈辰不留
謹奉柩車式遵祖道俛伏興餘如朝夕奠儀主人以下
復位坐代哭以至於發引

遣奠

厥明執事者具遣奠

亦如殷奠

輦夫納大輦于聽事前中庭

執事者徹祖奠祝奉遷靈座置旁側祝北面告曰今遷

柩就輿敢告婦人避退召輦夫遷柩乃載

載謂升柩于輦也以前絙

左右束柩于輦乃以橫木楔柩足兩旁使不動搖

男子從柩哭降視載婦人猶

哭于帷中載畢祝帥執事遷靈座于柩前南向乃設遣奠惟婦人不在餘如朝夕奠之儀執事者徹所奠之脯置舁牀上史執賻贈歷立於柩左當肩西向祝在史右

南向哭者相止跪讀賻贈歷畢與祝皆退

既夕禮書賻于方注方版

也又曰主人之史請讀賻執算從柩東當前東西面立命毋哭哭者相止也惟主人主婦哭祝在右南面讀書釋算則坐注必執事者徹遣奠

若柩自他所將歸葬鄉里則但設酒果或脯醢

朝哭而行至葬日之朝乃行遣奠及讀賻禮

祝奉魂帛升靈舁焚香

既夕禮祖還車

不還器祝取銘置于茵二人還重左還厥明奠者出而人抗重出自道道左倚之既葬還埋重于所倚之處開

元禮將行祝以腰與詣靈座前昭告少項腰輿出詣靈
車後少項輿退掌事者先于宿所張吉凶二帷凶帷在
西吉帷在東南向設靈座于吉帷下至宿處進酒脯之
奠于柩東又進常食于靈座厥明又進朝奠然後行今
二禮魚取婦人蓋頭出帷降階立哭有守家不送葬者哭于
柩前盡哀而歸卑幼則再拜辭

在塗

柩行自方相等皆前導主人以下男女哭步從如從柩
朝祖之叙出門以白幕夾鄣之尊長乘車馬在其後無
服之親又在其後賓客又在其後皆乘車馬無服之親及賓客或

先待于墓
及祭所

出郭不送至墓者皆辭于柩前卑幼亦乘車

馬若郭門遠則步從
三里所可乘車馬

塗中遇哀則哭無常準

若墓遠經宿以上則

每舍設靈座于柩前設酒果脯醢為夕哭之奠夜必有
親戚宿其旁守衛之明旦將行朝奠亦如之館舍地臨
則設靈座于柩之
旁側隨地之宜

及墓

掌事者先張靈幄于墓道西設倚卓又設親戚賓客之
次男女各異又于羨道之西設婦人幄蔽以簾帷柩將
及墓親戚皆下車馬步進靈帷前祝奉祠版箱及魂帛

置倚上設酒果脯醢之奠于其前巾之大舉至墓道舉
夫下柩舉之趣壙主人以下哭步從掌事者設席于羨
道南舉夫置柩于席上北乃退掌事者陳明器下帳上
服苞筭醢醢酒用飯牀于壙東南北上銘旌施于柩上
賓客送至墓者皆拜辭先歸

至是上下可以具食既食而寔

主人拜賓

客賓客答拜

下棺

主人及諸丈夫立于埏道東西向主婦及諸婦人立于

埏道西嚮內東向皆北上以服之重輕及尊卑長幼為
叙立哭聲夫束棺乃窆諸子輟哭視窆既窆掌事者置
上服銘旌于柩上慎勿以金玉珍玩入壙中為亡者之

累主人贈用制幣玄纁束置柩旁再拜稽顙在位者皆

哭盡哀

既夕禮注丈八尺曰制二制合之束十制五合
疏玄纁之率玄居三纁居二或家貧不能備玄

纁束則隨家所有之帛為贈幣雖一制可也匠以塹塞壙門在位者皆還次

掌事者設誌石藏明器下帳苞筭醢醢酒于便房以版

塞其門遂寔土親戚一人監視之至于成墳

祭后土

既夕禮無之禮弓曰有司以几筵舍奠于墓左注為父母形體在此禮其神也今從開元禮

掌事者先于墓左除地為祭所置倚卓祭具等既塞壝門告者吉服亦釋親賓為之與祝及執事者俱入行事惟改祝辭某官姓名營建宅兆為某官封諡亡者寔茲幽宅餘皆如初卜宅兆祭后土之儀

題虞主

執事者置卓子設香爐酒盞注于靈座前置盥盆帨巾

于靈座西南又置卓子于靈座東南南向設筆硯墨于其上主人立于靈座前北向祝盥手出祠版卧置硯卓子上藉以褥使善書者西向立題之祝奉祠版立置靈

座魂帛前藉以褥祝炷香斟酒酌之訖執辭跪于靈座

東南西向讀之曰孤子某

妣曰哀子

敢昭告于先考某官

曰妣

先妣某封

形歸窀穸神返室堂虞主既成伏惟尊靈舍舊從

新是憑是依懷辭興復位主人再拜哭盡哀止祝藏魂帛于箱篋靈舁上乃奉祠版韜藉匣之置其前炷香執

事者徹靈座遂行

反哭

靈帛發行親戚以叙從哭如來儀出墓門尊長乘車馬

去墓百步許卑幼亦乘車馬徐行勿疾驅

既夕禮卒窆而歸不驅注

孝子往如慕返如疑為親之在彼

哀至則哭及家望門俱哭掌事者先

設靈座于殯宮靈帛至祝奉祠版置匣前藉以褥主人

以下及門下車馬哭入至聽事主人升自西階丈夫從

升如柩在聽事之位立哭盡哀止

既夕禮反哭入升自西階東面衆主人堂

下東面北上注西階東面反諸其所作也反哭者于其祖廟不于阼階西面西方神位又曰婦人入丈夫踊升

自阼階注辟主人也又曰主婦入于室踊出即位及丈夫拾踊三注于室反諸其所養也出即位堂上西面也

拾更也古今堂室異制又祖載不在廟中故但反婦人哭于聽事如昨日柩在聽事之位反諸其所作也婦人

先入立哭于堂如在殯之位盡哀止亦反諸其執事者

徹簾帷婦人已賓客有弔者此謂不弔于墓所者檀弓曰反哭之弔也哀之至也

反而亡焉失之矣于是為甚殷既封而弔周反哭而弔孔子從周賓客有親密者既窆先歸待反哭而弔主

人拜之賓客答拜主人入詣靈座與親戚皆立哭如在

殯之位盡哀止開元禮主人以下到第從靈輿宗族小

入即哭于靈座今從既夕禮

功以下可以歸大功異居者亦可以歸

虞祭

虞安也骨肉歸于土魂氣無所不之孝子為其
彷徨三祭以安之雜記士三月而葬是月也卒
哭大夫三月而葬五月而卒哭諸侯五月而葬
七月而卒哭士三虞大夫五諸侯七今五服年
月初自王公以下皆三
月而葬三虞而卒哭

柩既入壙掌事者先歸具虞饌如朔奠是日虞檀弓曰日中而虞葬

日虞弗忍一日離也注弗忍無所歸矣或
墓遠不能及日中但不出葬日皆可也主人以下皆

沐浴或已晚不暇沐浴執事者設盥盆悅巾各二于西

階西南東上

中帳手巾也

東盆有臺帳巾有架在盆北主人以

下親戚所盟也其西無臺架執事者所盟也設酒一瓶

于靈座東南

置開酒刀子拭布于旁

旁置卓子上設注子及盞一

別置卓子于靈座前設蔬果匕筯茶酒盞醬碟香爐主

人及諸子倚杖于堂門外與有服之親皆入尊長坐哭

如反哭位卑幼立哭于靈座前斬衰為一列最在前齊

衰以下以次各為一列無服之親又為一列丈夫處左

西上婦人處右東上各以昭穆長幼為叙皆北向婢妾

在婦人之後項之祝止哭者主人降自西階盥手帨手
詣靈座前焚香再拜退復位及執事者皆盥手帨手執
事者一人升開酒拭瓶口實酒于注取盞斟酒西向酌
之祝帥餘執事者奉饌設于靈座前主人進詣酒注所
北向執事者一人取靈座前酒盞立于主人之左主人
左執盞右執注斟酒授執事者置靈座前主人進詣靈
座前執事者取酒盞授主人主人跪酌執事者受盞俛
伏興少退立祝執辭出主人之右西向跪讀之曰維年

月日朔日孤子

孫曰孤孫為母及祖母稱哀子哀孫

某敢昭告于先考某

官

祖考同妣則曰某封某氏

日月不居奄及初虞夙興夜處哀慕不

寧謹以潔牲柔毛

豕曰剛鬣

嘉薦普淖明齊淲酒哀薦祫事

尚饗

士虞禮始虞用柔曰葬皆用柔曰半今不拘剛柔葬日再虞然則古人葬皆用柔曰半今不拘剛柔葬

日即虞後遇剛日即再虞不須間日也士虞禮祝曰哀子某哀顯相夙興夜處不寧敢用潔牲剛鬣嘉薦普淖

明齊淲酒哀薦祫事適爾皇祖某甫饗注喪祭稱哀顯相助祭名也顯明也相助也不寧悲思不安嘉薦淲醢

也普淖黍稷也明齊新水也言以新水淲釀此酒也始虞謂之祫事者主欲其祫先祖也以與先祖合為安皇

君也某甫皇祖字也饗勸強之也今參用開元禮祝詞淲女孝切齊才計切淲所求切祝興主人

哭再拜退復位哭止主婦亞獻親戚一人或男或女終

獻不焚香不讀祝

婦人不跪既酌四拜此其異于丈夫

餘皆如初獻之儀

士虞禮主人洗廢爵酌醑尸注爵無足曰廢爵醑安食也又曰主婦洗足爵酌亞獻尸賓長洗總爵三獻注總

爵口足之間有環文彌飾開元禮止有主人一獻今從古醑音脣總於力切

畢執事者別斟

酒滿澀去茶清以湯斟之主人以下皆出祝闔門主人

立于門左卑幼丈夫在其後主婦立于門右卑幼婦人

在其後皆東向尊長休于他所

卑幼亦可更代休于他所常留一二人於門左

右如食間祝立于門外北向告啓門三乃啓門主人以

下皆入就位祝立于主人之右西向告利成斂祠版韜

藉匝之置靈座主人以下皆哭應拜者再拜盡哀止出

就次執事者徹饌

士虞禮祝反入徹設于西北隅如其

知鬼神之節改設之庶幾歆饗所以為厭飫也非隱也

于非隱之處從其幽闇又曰贊闇牖戶注鬼神常居幽

闇或者遠人乎贊佐食者又曰無尸則禮及薦饌皆如初主人哭出復位祝闔牖戶如食間祝升止哭聲三啓

戶注聲噫歆也將啓戶驚覺神也又曰祝出戶西面告利成皆哭注利猶養也成畢也言養禮畢也非扶未切

祝取魂帛帥執事者埋于屏處絜地

既夕禮向人抗重出自道之左倚之

雜記重既虞而埋之注所倚處埋之

遇柔日再虞質明

今魂帛以代重故虞有主亦埋之

祝出祠版置靈座主人以下行禮改祝詞云奄及再虞

哀薦虞事餘皆如初虞之儀

士虞禮再虞用柔日三虞卒哭用剛日注丁日葬則

巳日再虞庚日三虞士日卒哭葬用丁亥是柔日然則古人皆用柔日邪今葬日既不拘剛柔日但于葬日即

虞後遇柔日再虞又遇剛日即卒哭三虞又遇剛日即甲丙戌庚壬為剛日乙丁巳卒癸為柔日遇剛

日三虞改祝詞云奄及三虞又云哀薦成事餘如再虞

卒哭

三虞後遇剛日設卒哭祭其日夙興執事者具饌如時

祭陳之于盥帨之東用卓子蔬果各五品膾

生今紅炙今

肉羹

今炒肉

殺

今骨頭

軒

今白肉

脯

今乾脯

醢

今肉醬

庶羞

謂豕羊及其他

異味

麵食

如薄餅油餅和餅蒸餅

米食

謂黍稷稻粱粟所

類

共

不過

十五

品

若家貧或鄉土異宜或一時所無不

類

之

類

之

類

之

類

之

不拘數

品可也

器用

平日

飲食

器

雖有金銀無用

設

玄酒

一瓶

以井花水充之

于

酒

瓶

之

西

主

人

既

焚

香

帥

衆

丈

夫

降

自

西

階

衆

丈

夫

盟

手

悅

手

以

次

奉

肉

食

升

設

靈

座

前

蔬

果

之

北

主

婦

帥

衆

婦

女

降

自

西

階

盟

手

悅

手

以

次

奉

麵

食

米

食

設

于

肉

食

之

北

主

人

既

初

獻

祝

出

主

人

之

左

東

向

跪

讀

祝

詞

改

食

之

北

主

人

既

初

獻

祝

出

主

人

之

左

東

向

跪

讀

祝

詞

改

虞祭祝詞云奄及卒哭又云哀薦成事來日躋祔于祖

考某官

妣云祖妣
某封某氏

既啓門祝立于西階上東向告利成

餘皆如三虞之儀

既夕禮始虞之下云猶朝夕哭不奠
三虞卒哭注卒哭三虞之後祭名始

朝夕之間哀至則哭至此祭止也朝夕哭而已檀弓曰
是日也以虞易奠然則既虞斯不奠矣今人或猶朝
服夕饋食者各從其家法至小祥止朝夕哭惟朔望未除
服者饋食會哭大祥而外無哭者禫而內無哭者檀弓
又曰卒哭曰成事是日也以吉祭易喪祭
如讀祝于主人之左之類是漸之吉祭也

祔

檀弓曰商人練而祔周卒哭而祔孔子善商注
期而神之人情開元禮既禫而祔按士虞禮始

虞祝詞云適闕皇祖某甫告之
以適皇祖所以安之故置于此

卒哭之來日祔于曾祖考

此則祔于曾祖喪服小記曰士大夫不得祔于諸侯祔于

諸祖父之為士大夫者其妻祔于諸祖姑妾祔于妾祖姑亡則中一以上而祔之必以其昭穆注中謂中間也

曾祖考曾祖姑皆以主人言之

內外夙興掌事者具饌三分

二妣則具饌二分雜記

曰男子祔于王父則配女子祔于王母則不配注謂若祭王母不配則不祭王父也有事于尊者可以及卑有

事于卑者不敢援尊祭饌如一如時祭設曾祖考妣坐祝詞異不言以某妣配某氏耳

于影堂南向

影堂窄則設坐于他所妣則但設祖妣坐

設死者坐于其東南

西向各有倚卓設盥盆帨巾于西階下設承版卓子于

西方火爐湯餅火筋在其東其日夙興設玄酒酒餅盞

注卓子于東方設香卓于中央置香爐炷香于其上質

明主人以下各服其服哭于靈座前奉曾祖考妣祠版

匣置承祠版卓子上出祠版置于坐藉以褥次詣靈座

奉祠版匣詣影堂主人以下哭從如從柩之叙至影堂

前止哭祝奉祠版置于坐藉以褥主人及諸子倚杖于

階下與有服之親尊長卑幼皆立于庭

曾祖考妣在焉故尊長不敢坐

前無庭則立于曾祖考位前

以服重輕為列丈夫處左西上婦人處

右東上

左右皆據曾祖考妣言之

各以昭穆長幼為叙皆北向婢妾

在婦人之後位定俱再拜

考叅曾祖考妣

其進饌先詣曾祖考

妣前設之次詣亡者前設之主人先詣曾祖考妣前北

向跪酌酒俛伏興少退立祝奉辭出主人之左東向跪

讀曰惟某年月日子曾孫某敢以柔毛嘉薦普淖明齊

洩酒適于曾祖考某官

不言以某封某氏配若妣祔于祖妣則云適于祖妣某封氏

齊祔孫某官

妣云齊祔孫婦某封某氏

尚饗祝興主人再拜不哭次

詣亡者前東向跪酌酒俛伏興少退立祝讀曰惟年月

日孝子某敢用柔毛嘉薦普淖明齊洩酒哀薦祔事于

先考某官

妣云先妣某封

適祖考某官尚饗祝興降位主人再

拜不哭降復位亞獻終獻皆如主人儀惟不讀祝祝闔

門主人以下出侍立于門左右不哭如食間祝告啓門

三及啓門主人以下各就位祝東向告利成主人以下

不哭皆再拜辭神祝先納曾祖考妣祠版于匣奉置故

處次納亡者祠版于匣奉之還靈座主人以下哭從如

來儀至靈座置之哭盡哀止

書儀卷八

欽定四庫全書

書儀卷九

宋 司馬光 撰

喪儀五

小祥

將及期年先以栗木為祠版并趺皆如桑板之制考以
紫囊屺以緋囊盛之各有籍褥貯于漆匣於十一月之
末主人設香爐炷香卜筮日于影堂外西向先擇日于

來月下旬卜筮之不吉次擇中旬不吉次擇上旬既得吉日主人焚香于靈座前北向立祝執辭出于主人之左東向讀曰孝子某將以來月某日祇薦常事于先考

某官

姓言其封

占既得吉敢告既讀卷詞懷之興復位主人

再拜退

或不卜則從初忌日

小祥前一日主人及諸子俱沐浴櫛

髮翦爪衆丈夫洒掃滌濯主婦帥衆婦滌釜鼎具祭饌

如時祭

主人主婦亦須監視

縱不能親為務極精潔

丈夫婦人各設次于別

所置練服于其中

禮既虞卒哭則有受服間傳期而小祥男子除乎首婦人除乎帶今人無

受服及練服小祥則男子除首絰及負版辟領衰婦人截長裙不令曳地而已應服期者及小祥皆改吉服然猶盡其月不服金珠錦繡紅紫執事者置卓子設香爐酒盞注于靈座

前置盥盆帨巾于靈座西南別設座于靈座前卓子之右東向別置卓子于靈座東南西向置栗版匣及筆硯墨于其上主人立于靈座前北向使善書者西向立題栗版畢以蠟塗炙令入理刮拭之復納于匣祝盥手奉桑板置于東向之座次奉栗版置于靈座舊位出之藉以褥主人盥手焚香斟酒酌之退少立祝執辭出讀曰

年月日孝子某

開元禮小祥祝又猶稱孤哀子按士虞禮祔祭已稱孝子吉祭而已

敢昭

告于先考某官

妣言某氏

來日小祥栗主既成伏惟尊靈舍

舊從新是憑是依祝興主人再拜哭盡哀明日夙興執

事者設元酒一瓶酒一鉶刀子拭布酒盞注于卓子上

在東階之上西向設香卓子于靈前堂中央置香爐香

合香匙于其上裝灰餅設火爐湯瓶火筭于西階上對

酒瓶設盥盆二于西階下一

盆有臺供親戚盆供執事者

各有帨東

上乃具饌陳于堂門外之東質明主人倚杖于門外

服喪

小記虞杖不入于室附杖不升入與期親各服其服坐于堂注然則練杖不入門明矣

立哭于靈前如虞祭之位

若大功已下有來預祭者釋去華盛之服同敝坐立亦如

虞祭之位大祥禫准此

哭盡哀主人及期親出就次易練服及吉

服復入就位哭項之祝止哭者主人盥手焚香如虞祭

帥衆丈夫設肉食主婦帥衆婦女設麵食米食如卒哭

執事者開酒主人斟酌酒如虞祭祀執辭讀曰年月日

孝子某敢昭告于先考某官

妣云某封

日月不居奄及小祥

夙興夜處小心畏忌不惰其身哀慕不寧敢用柔毛嘉

薦普淖明齊湫酒薦此常事于先考某官

姓如前

尚饗祝

興主人再拜退復位哭止亞終獻闔門啓門復入就位
皆如虞祭祝東向告利成如卒哭祝斂栗版韜藉匣之
置靈座主人以下哭拜出就次執事者徹饌如虞祭祝
取桑版匣帥執事者徹東向坐埋桑主匣于屏處潔地
大祥

再期而大祥于二十三月之末主人卜如小祥禮丈夫
婦人各設次于別所置禪服其中

今世丈夫禪服垂脚
繫紵幘頭皂布衫脂

皮爐鐵帶或布裹角帶未大祥間出詣人家亦假而服之婦人可以冠梳假髻以鵝黃青碧皂白為衣履其金銀珠玉紅繡皆不可用開元禮云備內外受服禪祭云仍祥服又云著禪服按世俗無受服謂大祥為除服即今著禪服其日夙興執事者設酒饌香火盥器皆如小祥

質明主人與未除服者入就位于靈前立哭盡哀

已除服者

若來預祭亦哭于故位如小祥出就次易禪服復入就位哭項之祝止

哭者主人降盥手焚香如虞祭帥衆男設肉食主婦帥衆婦女設麵米食如卒哭執事者開酒主人斟酌酒如虞祭改小祥祝詞云奄及大祥又曰薦此祥事惟不改

題粟主理桑主外其餘如小祥之儀祭畢遷影堂及祠
匣于影堂徹靈座斷杖弃之屏處

禫祭

大祥後間一月禫祭

士虞禮中月而禫鄭注云猶間也禫祭名也自喪至此凡二十七月

按魯人有朝祥而暮歌者子路笑之夫子曰踰月則其善也孔子既祥五日彈琴而不成聲十日而成笙歌檀

弓曰祥而縞注縞冠素純也又曰禫徙月樂三年間曰三年之喪二十五月而畢然則所謂中月而禫者蓋禫

祭在祥月之中也歷代多從鄭說今律初三年是月之喪皆二十七月而除不可違也純避失切

中隨便擇一日設亡者一位于中堂祝奉祠版匣置于

座出之藉以褥主人以下不改服入就位俱立哭祝止
哭主人降盥手焚香如虞祭帥衆設肉亦同卒哭禮執
事開酒主人斟亦如虞祭禮拜不哭改大祥祝詞云奄
及禫祭又云祇薦禫事亞終獻闔門啓門復入就位皆
如虞祭而不哭祝東向告利成主人以下應拜者再拜
哭盡哀祝匣祠版奉之還于影堂主人以下從至影堂
不哭退執事者徹饌

居喪雜儀

檀弓曰始死充充如有窮既殯瞿瞿如有求而弗得既葬皇皇如有望而弗至練而慨然祥而廓然又顏丁居喪始死皇皇焉如有求而弗得及殯望望焉如有從而弗及既葬慨焉如有不及其反而息雜記孔子曰大連少連善居喪三日而不怠三月不解期悲哀三年憂喪服四制曰仁者可以觀其愛焉知者可以觀其理焉強者可以觀其志焉禮以治之義以正之孝子弟弟正婦皆可得而察焉曲禮曰居喪未葬讀喪禮既葬讀祭禮

喪復常讀樂章檀弓大功廢業或曰大功誦可也

居喪但勿讀樂

章可雜記三年之喪言而勿語對而不問

言言已事也為人說為語也

喪大記父母之喪非喪事不言既葬與人君言王事

不言國事大夫士言公事不言家事檀弓高子皋執親

之喪未嘗見齒

言笑之微

雜記疏衰之喪既葬人請見之則

見不請見人小功請見人可也又凡喪小功以上非虞

祔練祥無沐浴曲禮頭有瘡則沐身有瘍則浴喪服四

制百官備百物具不言而事行者扶而起言而後事行

者杖而起身自執事而後行者面垢而已凡此皆古禮
今之賢孝君子必有能盡之者自餘相時量力而行之
可也

訃告書

尊卑長幼如常日書儀粗生紙直書其事勿為文飾

致賻襚狀

具位姓某某物若干右謹專送上某人靈筵聊備賻儀

財物曰賻儀衣服曰
襚儀香酒曰奠儀

伏惟

歆納謹狀

年月日具位
依常式封皮狀

上某官

靈筵

具位某謹封

此是亡者官尊其儀乃如此若平交及降等即狀內無年

封皮用面發題曰某人靈筵下云狀謹封

謝賻襚書

今三年之喪未卒哭不發書多令姪孫及其餘親發謝書

具位某某物若干

右伏蒙

尊慈以某

發書者名

某親違

世

大官云薨沒

特賜賻儀

襚奠隨事

下誠不任哀感之至謹具狀

上謝謹狀

年月日具位

某狀

上

某位

某謹封

此與尊儀也如平交即改尊慈為仁特賜為貺去下誠字後云謹奉陳謝謹狀無年封皮用面

簽餘
如前

慰大官門狀

某位姓某 右某謹詣 門屏祇 慰 某位伏聽

處分謹狀 年月 日具位 某 狀

慰平交

某位姓某 右某祇 慰 某官謹狀

月 日具位姓 某 狀

慰人名紙

形如常但題其陰面云某郡姓名慰

此與平交已下期之若平交已下期

喪亦用慰狀大功已下用起居狀相面而見慰

慰人父母亡疏狀

鄭儀書止一紙云月日名頓首末云謹奉疏慄

愴一紙月日名頓首一紙無月日末云謹奉疏慄愴

體即此單書劉儀短疏覆疏長疏三幅書凡六

紙考其詞理重複如一今參取三本但尊卑之間語言輕重差異耳若別有情事自當更作手簡別幅述之若慰嫡孫承重者如父母法

某頓首再拜言不意凶變先某位奄弃榮養承

訃告驚怛不能已已伏惟 孝心純至思慕號絕何以

堪居

此上尊官也平交已下止云頓首亡者官尊改不意凶變為邦國不幸無官有素郭改先某位為先

丈無素郭為先府君母亡云先太夫人先太君無封邑者止云先夫人亡者官尊即改奄弃侍養為奄捐館舍

無官止云奄違色養平交云恭惟降等緬維下倣此日月流速遽踰旬朔或云流

不居或云遽及孟仲季春若已葬則云遽經安厝卒哭則云遽及卒哭小祥大祥禫祭各隨其時哀痛

奈何罔極奈何不審自罹荼毒父在母亡即云憂告氣力何如伏

乞

平交云伏願降等云惟冀強加餐粥已葬則云蔬食俯從 禮制某事役

所縻

在官即云職業有守未由奔 慰其于憂戀無任下誠平交已下

但云未由奉謹奉疏平交已下伏惟鑒察降等不

備謹疏

平交已下云不宣鄭裴用

月日具位姓某疏上

平交已下可稱郡

某位大孝

已下云哀次劉岳書儀百

日內苦前百日

及疏上某位苦前具位姓某謹封

平交已下用函簽云某位苦次稍尊用

重疏上某

所某位

尊長以下直書姓某官

具位某謹封

父母亡答人狀

于所尊稱疏于

某稽顙再拜言

年之交已下只去言字蓋稽顙而後拜三

某罪逆深重不自死滅禍延先考

母云先妣承重祖父云先祖考祖母云先

妣攀號擗踊五內分崩叩地叫天無所逮及日月不居

奄踰旬朔

或云遽及孟仲季安厝卒哭大小祥禫除隨時

酷罰罪苦

父在母亡即曰偏罰

罪深父先亡則母與父同無望生全即日蒙恩

稍尊云免平祇奉几交去此二字

筵苟存視息伏承 尊慈俯賜 慰問哀感之至不任

下誠

平交云仰承仁恩特垂慰問哀感之情言不能盡降等云遠蒙眷私曲加慰問哀感之深非言可論

凡遭父母喪知舊不以書來弔問是無相恤問之心于禮不當先發書若不得已須至先發當刪此四句餘親

彼雖無書弔問已因書亦當言之但不特發書耳末由號訴不勝隕絕謹扶力

奉疏荒迷不次謹疏

月日孤子姓某疏上

平交已下云奉狀謹

狀父在母亡稱哀子父先亡母與父同承重者稱孤孫女云孤女平交云狀上

某位

座前閣下並如常

謹空

平交無此

封疏上某位孤子姓某謹封

餘如前平交者封皮

重封

亦如內封皮

與居憂人啓狀

某啓日月流邁奄踰旬朔

安厝卒哭大祥禭除隨時

伏惟

平交已下同前

孝

心追慕沈痛難居孟春猶寒

時隨

起居支福

支者言其毀瘠僅及支梧

也稱尊云動止支勝平交云所履降等云支宜支某即福支和重支祐小重支宜支適小輕支立大輕

日蒙

恩

稱尊云免

伏乞

平交已下同前

節哀順變俯從

禮制某

事役所縻

在官如前

未由拜

慰

稱尊云造平交云奉或云展降等云叙

其于

憂戀無任下誠

平交已下但云悲慘增派

謹奉狀伏惟

鑒察

降等即不

用此二句

不備

稱尊已下云不宣

謹狀

月

日具位姓某狀上某位

服前餘皆如前

居憂中與人疏狀

某叩頭泣血言

稱尊已下改言為啓

日月流速屢更晦朔

奄及大小祥禫

隨時攀慕號絕不自勝堪孟春猶寒伏惟某位尊體起居

萬福

降等無尊體字但云動止餘如前

某酷罰罪苦

父在母亡則云偏罰罪深無復

生理即日蒙恩

稱尊云免平交無此二字

祇奉

几筵苟存視息未

由號訴墮咽倍深謹扶力奉疏

云云餘如前式

慰人父母在祖父母亡啓狀

若已慰其父則更
不慰其子可也

某啓禍無故常

尊祖考

某位

無官有契即云幾丈無契即云尊祖考府

君祖母云尊祖妣某封
無封云尊祖妣夫人

奄忽違世

亡者官尊云
奄指館舍

承

訃

驚惶不能已已伏惟

恭緬如前

孝心純至哀慟摧裂何可勝

任孟春猶寒未審 尊體何似平交已下 伏乞 深自

寬抑以慰慈念某事役所縻在官 未由趨慰其于憂想

無任下誠

如平交謹奉狀云云如前式若其人父母已

極為痛苦改茶毒憂苦為凶變改強加餐粥為深自抑
割去大孝至孝字改苦前為座前謹空苦次為足下

祖父母亡荅人啓狀

某啓不圖凶禍

先祖考

祖祖母云先祖妣

奄忽弃背痛苦摧裂

不自勝堪專介臨門伏蒙 尊慈特賜 書尺慰問哀

感之至不任下誠

仁恩眷私隨等

孟春猶寒

亦隨時

伏惟

某位

尊體起居萬福

如平交前

某即日

侍奉幸免他苦未由詣

左右展洩徒增哽塞謹奉狀上

謝不宣

極尊云不備

謹狀

慰人伯叔父母姑亡

某啓不意凶變

尊伯父某位

伯母叔父母姑隨時降等改尊為賢

奄忽

傾逝

亡者官尊云奄捐館舍

承

訃驚怛不能已已伏惟

親愛

敦隆哀慟沈痛何可堪勝孟春猶寒尊體何如伏乞

深自寬抑以慰遠誠某事役

云云如前式

伯叔父母姑亡荅人慰

金史卷之三
某啓家門不幸

幾伯父

伯叔母准此姑曰幾家姑不言封

奄忽弃背

摧痛酸楚不自堪忍伏蒙

尊慈

云云如前式母者不云侍奉

無父

慰人兄弟姊妹亡

比慰人伯叔父母亡啓狀但改尊伯父為尊兄

亦曰今兄弟曰今

令弟姊妹曰令姊妹曰令妹平交已下改為賢若彼有兄弟姊妹數人須言行第或官封姊妹無封者稱其夫姓

云某宅親愛為友愛

餘並同

兄弟姊妹亡答人慰

比伯父母亡答人狀但改幾伯父為家兄

弟曰舍弟姊妹曰家姊妹曰

小妹有數人者須言行第不必言封改弃背為喪逝餘並同

慰人妻亡

此慰人伯叔父母亡狀但改尊伯父為夫人郡縣君

即云賢間即改傾逝為薨逝改驚怛為驚愕改親愛敦隆為

伉儷伉音亢儷音麗義重改哀慟為悲悼餘並同

妻亡答人

此伯叔父母亡答人但改家門為私家幾伯父奄忽弃背為室人奄忽喪逝摧痛為悲悼餘並同

慰人子姪孫亡

某啓伏承

平交已下為切承

令子某位

姪曰令姪孫曰令孫平交已下為賢無官者稱

秀才若有數人須言行第

遽爾天沒不勝驚怛伏惟

恭緬同前

慈愛隆深

悲慟沈痛何可堪勝餘並同慰人伯叔父母狀改寬抑為抑割

子孫亡答人狀

此妻亡答人慰啓但改私家為私門室人奄忽喪逝為

小子某

亡者名也姪曰少姪孫曰幼孫

遽爾天折改悲悼曰悲念餘並

同自伯叔父母已下今人多只用平時往來狀止於小簡言之雖亦可行但裴鄭有此式古人風義敦篤當

此如裴鄭又有慰外祖父母舅姨妻父母外甥三殤及僧

尼并親戚相弔等書今並刪去

書儀卷九

欽定四庫全書

書儀卷十

宋 司馬光 撰

喪儀六

祭

凡祭用仲月

王制大夫士有田則祭無田則薦注祭以首時薦以仲月今國家惟享太廟孟月自

享六廟濮王廟皆用仲月以此私家不敢用孟月

主人

即目在此男家長也曲禮支子不祭曾子問宗

子為士庶子為大夫以上牲祭于宗子之家古者諸侯卿大夫宗族聚于一國故可以如是今兄弟仕宦散之

四方雖支子亦四時
念親安得不祭也
及弟子孫皆盛服親臨筮日于影

堂外

少牢饋食禮曰用丁巳又主人曰來日丁亥注曰
未必亥也直舉一日以言之耳禘于太廟禮曰日

用丁亥不得丁亥則已亥辛亥亦用之無則苟有亥馬
可也孟說家祭儀用二至二分然今仕宦者職業殊繁

但時至事暇可以祭則卜筮亦不必亥日及分至也若
不暇卜日則止依孟儀用分至于事亦便也 仁宗時

嘗有詔聽太子少保以上皆立家廟而有司終不為之
定制度惟文潞公立廟于西京他人皆莫之立故今但

以影堂
主人西向立衆男在其後共為一列以長幼為
言之

叙皆北上置卓子于主人之前設香爐香合及著于其

上主人搢笏進焚香熏而命之曰某將以某日諏此歲

事適其祖考尚饗乃退立以著授筮者令西向筮不吉

則更命日

或無能筮者則以坏玆代之

既得吉日乃入影堂主人北

向子孫在其後如門外之位西上主人搢笏進焚香退

立祝懷辭

書辭于紙

出于主人之左東向搢笏出辭跪讀之

曰孝孫具官

無官則但稱名

某將以某日祇薦歲事于先祖考

妣占既得吉敢告卷辭懷之執笏興復位主人再拜皆

出

古者四時之祭習以為常故筮曰宿尸賓而不告祖考今始變時俗筮日而祭故不得不告蓋人情當然

前期三日主人帥諸丈夫致齋于外

男十歲以上皆居宿于外主婦

師諸婦女致齋于內雖得飲酒而不至亂

亂謂改其常度

食肉

不如葷

葷謂蔥蒜之類有臭氣之物

不弔喪不聽樂凡凶穢之事皆

不得預專致思于祭祀

祭義曰齋之日思其居思其笑語思其志意思其所樂思其

所嗜齋三日乃見所為齋者

前期一日主人帥衆丈夫及執事者洒

掃祭所

影堂更監則擇廳堂寬潔之處以為祭所

滌濯祭器

主人縱不親滌亦須監視務令

潔設倚卓考妣並位皆南向西上

古者祭于室中故神坐東向自後漢以來

公私廟皆同堂異室南向西上

主婦

主人之妻也禮舅沒則姑老不與于

祭主人主婦必使長男及婦為之若或自欲預祭則特位于主婦之前祭神畢升立于酒壺之北監視禮儀或

老疾不能久立則休于他所帥衆婦女滌釜鼎具祭饌

俟受昨復來受昨辭神而已

往歲士大夫家婦女皆親造祭饌近日婦女驕倨鮮肯

入庖厨凡事父母舅姑雖有使令之人必身親之所以

致其孝恭之心今縱不能親執刀匕亦須監視庖厨務

令精潔未祭之物勿令先食之及為猫犬及鼠所盜

汚開元禮六品以下祭亦有省牲陳祭器等儀按士大

夫家祭其先者未必皆殺牲又簋簠豆鼎俎爨洗皆

非私家所有今但能別置梳櫛等器時蔬時菓各五品

專供祭祀平時收貯勿供他用已善矣

膾今紅炙今炙羹今炒般今骨軒今白肉脯今乾醢今

醬生庶羞猪羊之外麵食如薄餅油餅和餅蒸餅棗餅米

食謂黍稷稻粱粟所為飯及共不過十五品若家貧或

棗饊團糒錫之類皆是也

鄉土異宜

書儀

三

或一時所無不能辦此則各隨其執事者設盥盆有臺
所有蔬菓肉麵米食各數品可也

于阼階東南帨巾有架在其北

盥濯手也帨手巾也此主人以下親戚所盥無

阼階則以階之東偏又設盥盆帨巾無臺架者于其東

為阼階西偏為西階

又設盥盆帨巾無臺架者于其東

此執事者所盥少牢饋食禮設洗于阼階東南設盥水

于洗東有料設篚于洗西南肆開元禮倣此又云贊禮

者引主人詣盥洗執盥者酌水執洗者取盥承水主人

盥手執篚者受巾遂進爵主人詣酒樽所執樽者舉罍

私家之人恐難備今但設盥盆明日夙興主人以下皆

帨巾使自盥手帨手以從簡易

盛服丈夫有官者具公服靴笏無官者幘頭衫主人主

婦人有大袖裙帔各隨其所應服之盛者

婦帥執事者詣祭所于每位設蔬果各于卓子南端酒

盞匕筋茶盞托醬櫟

實以醬鹽醢

于卓子北端

禮主婦薦籩豆設黍稷主

人舉鼎設俎今使主婦帥婦女薦蔬果簋盛主人帥衆男薦肉亦倣此

執事者設玄酒一

瓶

其曰取井華水充

酒一瓶于東階上西上別以卓子設酒注

酒盞刀子拭布于其東設香卓于堂中央置香爐香合

于其上裝灰餅設火爐湯瓶香匙火筋于西方對餅實

水于盥盆質明庖者告饌具主人主婦共詣影堂二執

事者舉祠版筭主人前導主婦主婦從後衆丈夫在左

衆婦女在右從至祭所置于西階上火爐之西向主人

主婦盥手悅手各奉祠版置于其位先考妣後主人帥

衆丈夫共為一列長幼以叙立於東階下北向西上主

婦帥衆婦女如衆丈夫之叙婦以夫之長幼立于西階

下北向東上執事者立于其後共為一列亦西上位定

俱再拜此參神也少牢饋食禮將祭主人朝服即位于

尸出入主人降立于阼階東西面此皆主人之正位也

卒胥祝盥于洗升自西階主人盥升自阼階祝先入南

面主人從尸內西面祝酌奠主人西面立于尸內拜安尸尸

几筵之在西也尸升筵主人西面立于尸內拜安尸尸

醕主人主人之西面奠爵拜皆為尸之在西也開元禮贊

禮者設主人之位于東階下西面亞獻終獻位于主人

東南掌事者位終獻東南俱重行西向北上設子孫之位
位于庭重行北面西上設贊唱者位于終獻西南西南
享曰參神皆就此位按今民間祠祭必向神而立及拜香諸
神在此而西向拜者故此皆北向神而立及拜香諸
應切醋主人升自阼階立于香卓之南搢笏焚香古之祭者

不知神之所在故灌用鬱鬯臭陰達于淵泉蕭合黍稷
臭陽達于牆屋所以廣求其神也今此禮既難行于士
民之家故但焚再拜降復位祝及執事者皆盥手帨手
香酌酒以代之

執事者一人升開酒拭瓶口實酒于注子取盞斟酒西
向酌庖人先用飯床陳饌于盥帨之東衆丈夫盥手帨
手主人帥之脫笏奉肉食主人升自阼階衆丈夫升自

西階以設次于曾祖考妣祖考妣考妣神座前蔬果之
北降執笏復位衆婦女盥手挽手主婦帥之奉麵食升
自西階以次設于肉食之北降奉米食升自西階以次
設于麵食之北降復位主人升自阼階詣酒注所西向
立執事者一人左手奉曾祖考酒盞右手奉曾祖妣酒
盞一人奉祖考妣酒盞一人奉考妣酒盞皆如曾祖考
妣之次就主人所主人搢笏執注以次斟酒執事者奉
之徐行反置故處主人出笏詣曾祖考妣神座前北向

執事者一人奉曾祖考酒盞立于主人之左一人奉曾祖妣酒盞立于主人之右主人搢笏跪取曾祖考酒酌之授執事者盞返故處主人出笏俛伏興少退立祝懷辭出主人之左東向搢笏出辭跪讀之曰維年月日孝子曾孫具位某敢用柔毛

牲用豕則曰剛鬣

嘉薦普淖用薦歲

事于曾祖考某官府君曾祖妣某封某氏配尚饗祝卷辭懷之執笏興主人再拜次詣祖考妣考妣神座皆如曾祖考妣之儀祝辭之異者祖曰孝孫薦薦歲事于祖考

妣父曰孝子薦歲事于考妣獻畢祝及主人皆降位次

亞獻終獻

以主婦或近親為之

盥手悅手

若已嘗盥手者更不盥

升自西階

斟酒酌酒皆如上儀惟不讀祝既遍主人升自東階脫

笏執注子徧就斟酒盞皆滿執笏退立于香卓東南北

向主婦升自西階執匕扱黍中西柄扱初洽切正筯立于香

卓西南北向主人再拜主婦四拜

少牢饋食禮七飯尸告飽祝西面于主人

之南獨侑不拜侑曰皇尸未實侑勸也又曰尸又食上佐食舉肩尸不飯告飽主人不言拜侑注祝言而不拜

主人不言而拜親踈之宜今主人斟酒主婦扱匕正筯而拜亦不言侑食之意也

執事者一人

執器盥去茶清一人隨以湯斟之皆自西始畢皆出祝

闔門主人立于門東西向衆丈夫在其後主婦立于門

西東向衆婦皆在其後

特牲饋食曰尸設注設起也又曰佐食徹尸薦俎設于西北

隅凡在南非用筵納一尊佐食闔牖戶降注非隱也

知神之所在或遠諸人乎尸設而改饌為幽闇所以為

厭飫此所謂當室之白為陽厭尸未入之前為陰厭祭

義曰祭之日入室儉然必有見乎其位周旋出戶肅然

必有聞乎其容聲出戶而聽愼然必有聞乎歎息之聲

鄭曰無尸者闔戶若食間此則孝子廣求其親底或享

之忠愛之至也今既無尸故須設此儀若老弱羸疾不

能久立則更休他所當留親者一兩人侍立于門外可

也設所六切敷音對匪扶

米切儉音愛愼開大切

如食間祝升當門外北向告

言儀

七

啓門三

士虞禮祝聲三啓戶注聲者噫歆也將啓戶驚覺神也

乃啓門執事者席

于玄酒之北主人入就席西向立祝升自西階就曾祖

位前搢笏舉酒徐行詣主人之右南向授主人搢笏跪

授祭酒啐酒執事者授祝以器祝受器取匕抄諸位之

黍各少許置器中祝執黍行詣主人之左北向啐于主

人曰祖考命工祝承致多福于汝孝孫來汝孝孫使汝

受祿于天宜稼于田眉壽永年勿替引之主人置酒于

席前執笏俛伏興再拜搢笏跪受黍嘗之實于左袂執

事者一人立于主人之右主人授執事者器挂袂于手
指取酒卒飲執事者一人立于主人之右受盞置酒注
旁一人立于主人之左執盤置于地主人寫袂中之黍
于盤執事者授以出主人執笏俛伏興立于東階上西
向于主人之受黍也祝執笏退立于西階上東向主人
既就位祝告利成降復位于是在位者皆再拜主人不
拜此受主人降與在位者皆再拜此辭主人主婦皆升
昨也奉祠版納于櫝笱妣先考後執事者二人舉之導從歸

于影堂如來儀主婦還監徹

酒盞不酌者及注中餘酒皆入于壺封之所謂福酒

執事者徹祭饌返于厨傳于宴器主婦監滌祭器藏之

主人監分祭饌為胙盤品取少許同置于合并福酒皆

緘之

貴于神餘不貴豐腴

遣僕執書歸胙于親友之好禮者

書辭在後

執事者設餽席男女異座主人與衆丈夫坐于堂主婦

與衆婦女坐于室設倚卓蔬果醢醢醬酒盞匕筯畢入

酒于注卮者溫祭饌男尊長就坐衆男獻壽

若主人主婦之上更

有尊長則主人帥衆男主婦帥婦女以獻壽

叙立向尊長如祭所之位而男

女皆以右為上

如尊長南向則以東為上是也

衆丈夫以長者

或弟少

進執事者一人執酒注立于右一人執酒盞立于左長

男

即衆丈夫之長也

搢笏跪右手執注左手執盞斟酒祝曰祀

事既成祖考嘉饗伏願備膺五福保族宜家執注者退

執盞者置酒于尊長之前長男俛伏興退復位與衆丈

夫俱再拜興立尊長命執事者取酒注及長男酒盞置

于前自斟之祝曰祀事克成五福之慶與汝曹共之執

事者以盞致于長男長男搢笏跪受以授執事者置其

位俛伏興立尊者命執事者徧斟衆丈夫酒畢長男及衆丈夫皆再拜尊者命坐乃就坐衆女獻女尊長于室女尊長酢衆婦女立斟立授不跪餘皆如衆丈夫之儀

飲畢執事者獻肉食畢衆婦女詣堂獻男尊長壽

婦女執事

不能祝者默斟而已

及尊長酢長女

或姊妹或女

長女立斟立受不跪

長婦

則使執事者就酢

餘皆如衆丈夫之儀衆丈夫詣室獻女尊長

壽如堂上之儀執事者薦麪食衆執事者獻男女尊長

壽如婦女而不酢執事者薦米食時候泛行酒間以祭

饌盞數惟尊長之命

禮祭事既畢兄弟及賓迭相獻酬有無算爵所以因其接會使之交

思定好優勸之今亦取此儀

凡歸胙及餽若酒不足則和以他酒饌

不足則繼以他饌既罷據所酒饌主人頌胙于外僕主

婦頌胙于內執事者徧及微賤其日皆盡

孔子祭于公不宿肉不敢

留神惠也凡祭主于盡愛敬之誠而已疾則量筋力而行之

少壯者自當如儀

影堂雜儀

主人以下皆盛服男女左右叙立如常儀主人主婦親

出祖考置于位焚香主人以下俱再拜執事者斟祖考前茶酒以授主人主人搢笏跪酌茶酒執笏俛伏興帥男女俱再拜次酌祖妣以下皆徧納祠版出徹月望不設食不出祠版餘如朔儀影堂門無事常閉每旦子孫詣影堂前唱喏出外歸亦然出外再宿以上歸則入影堂每位各再拜將遠適及遷官大事則盥手焚香以其事告退各再拜有時新之物則先薦于影堂遇水火盜賊則先救先公遺文次祠版次影然後救家財

歸昨于所尊書

某惶恐啓今月某日有事于祖考謹遣歸昨于執事

伏惟 尊慈俯賜 容納某惶恐再拜

某人 執事

復書

某咨吾子孝享祖考不專有其 福施及老夫感慰良

深 某咨 某人

平交書

某啓今月某日有事于祖考謹遣歸 昨伏惟 留納

某再拜 某人 左右

復書

某啓伏承某人孝享祖考不專有具 福施及賤交不

勝感戢 某再拜 某人 左右

降等書

某咨今月某日有事于祖考今遣致 昨某咨 某人

復書

某惶恐啓伏承 某人孝享祖考欲廣其 福辱及賤
子過蒙 恩私不勝感戴之至 某惶恐再拜 某人
執事 封皮如常日啓狀儀



書儀卷十